

天一閣藏明代方志選刊續編



弘治撫州府志 上冊（江西）

天一閣藏明代方志選刊續編 四七

上海書店

撫州府志序

君子有不出堂宇而知天下山川  
易奇勝風俗景物同異媿惡生乎千  
百世之下究知千百世之上之仁賢  
行義得失者紀載有在也志具郡國  
之紀載也紀載具歷代制度文為亦  
足以考見况可因而不可革者哉撫

有志自宋始宋以前無志乎無仁賢  
乎無紀載也無紀載故前乎此之仁  
賢風物有不可得而知志之修否之  
繫之重不輕也如此君子其謂何弘  
治辛酉前鄉守胡君企參貳守趙君  
子祥懼志廢修也舊矣因索圖志稽  
古求則以行政士大夫家所藏畧無

成編者良用憮然乃同監郡張君景  
福推郡周君公慶布告所屬搜訪退  
遺禮聘郡士黎詰脩之前行人姚君  
浚亨嘉興郡守徐君用濟是正之既  
而臨川諸屬邑若陳君文試葉尹天  
爵丁尹楷亦皆節羨以飲工出梨以  
代棹甫就缺而胡君去矣予適承乏

郡事趙君揭梗槩相告且請序其成  
予嘆曰甚矣哉郡國不可以無志也  
有之不可以廢修也撫古臨汝也漢  
和時入職方矣孫吳時以郡陞矣時  
地祚無仁賢也山川風物非不足也  
長民者知政為當務之急而不知志  
又為為政先務也坐使千餘年文物

無微不既澤可慨興山川風物守令  
所當省也名宦鄉賢守令所當法也  
當省當法者當紀載也紀載核而不  
浮明而不晦直而辦公而理由今而  
古古無遺由今而後後有微獨守令  
足省法哉郡之來者之孝子而家忠  
子而君而仁于而人民亦當求無愧

乎鄉先正也噫一志之成似不偶而  
然者宋景定壬戌家願山懼無成書  
而不足徵也始退而與同志一修今  
弘治壬戌胡君趙君用承願山成書  
而屬郡賢重修前之終也以壬戌四  
越壬戌而後脩前之就梓也以願山  
之既去今之就梓也又予有以成胡

君之緒於初來自是而知是郡者毋  
致續今日之修重入壬戌也毋使後  
之嘆廢脩如予之嘆夫前也

弘治十五年歲次壬戌九月吉日

賜進士出身中順大夫知撫州府事前  
刑部陝西司郎中廣陽呂傑書



景定臨川志序

臨汝望於江介群公先正萃焉文獻可謂足矣郡  
乘顧無成書先後革創乃不足證來者懔焉繫昔  
東都盛際樂侍郎晏元獻起是邦皆以博洽名樂  
公記寰宇晏公作類要亦既舉天下郡國之綱矣  
豈不用情州閭網羅舊聞詳著別編以發揮宗國  
之盛美歟豈二公心在海內天地四方之志不周  
於小歟抑立衆之志閭里之版丞史之圖書乃官  
府事非邦人職歟坤翁以景定壬戌被命來守歲

餘少事屬同志收攬載籍考訂耆舊退而相與裁  
之合為三十五卷書成條目粗備然遺忘尚多春  
容將有待也會予節趨閩以其書托諸推掾周君  
彥約覆正關誤且哀金俾鋟諸梓明年周君來論  
曰鈔梓就矣宜敘其首竊惟圖籍視史冊歲歲紀  
之則事可具備僅曠數十年百年間斷弗緝續耳  
月所不接必有散佚者周官自川澤丘陵墳衍原  
隰都鄙土地官府次舍訖于士庶民物風俗生齒  
財用器械九穀六畜各有所掌歲時比之辯之稽

之登之蓋不徒考校其數常修治其籍惟恐一日  
失所紀也懿哉我後之人尚有意焉願毋忘周官  
之法度時取而附益之庶乎此書可傳也可繼也  
可悠久而備足也咸淳初元夏五眉山家坤翁書  
同志之與修纂者刊氏某于左

郡學錄李正發 上官洪

直學尹元達 江立中

學諭張君輔

與諸君共

正學

正學

正學

正學

正學

正學

正學

正學

正學

至元刊補景定臨川志跋

右景定郡志一部峭峯楊教授任內刊補完備書  
板散失甚易刊補甚難後此者尚護持之至元二  
十八年十月日謹跋

勅授撫州路儒學教授楊淵

學正前進士張中

司計劉伯恭

掌書危師夔

錄直謝申

嚴應炎

程祿應 黃叔與

重修撫州府志凡例

一各志類有引語今唯直書

一本志繼宋景定而修中間二百四十餘年時異

制殊故於款目不能不更易刪潤

一各縣山川勝跡以及制度儀文唯書其大者要者名宦鄉賢非已沒不書孝子節婦洪武已前非見名賢紀載不書洪武已後非

旌異不書

誥勅封贈壽官義官仍舊志不書佛老虛幻不書